



АҲОЛИНИ СИФАТЛИ ОЗИҚ-ОВҚАТ МАҲСУЛОТЛАРИ ВА ЭНЕРГИЯ РЕСУРСЛАРИ БИЛАН КАФОЛАТЛИ ТАЪМИНЛАШ МАСАЛАЛАРИ КЎРИБ ЧИҚИЛДИ

Бухоро шаҳрида 11 август куни Президент Шавкат Мирзиёев раислигида озиқ-овқат маҳсулотларини кўпайтириш орқали нарх-наво барқарорлигини сақлаш ҳамда аҳоли ва иқтисодиёт тармоқларини энергия ресурслари билан кафолатли таъминлаш масалалари юзасидан видеоселектор йиғилиши бўлиб ўтди.



Бу йилги қаҳратон қиш ва ёздаги ўта иссиқ кунлар синобли бўлди. Шу боис, келаётган қишга ҳозирданок тайёрланиш, бунинг учун етарли озиқ-овқат захирасини шакллантириш ва энергия барқарорлигини таъминлаш зарур. Утган йилларда пахта ва ғалла майдонлари қисқартирилиб, аҳолига деҳқончилик учун 200 минг гектар ер ажратилгани озиқ-овқат маҳсулотларини кўпайтиришда муҳим омил бўлди. Натигада 700 минг нафар аҳоли доимий, яна

1 миллион 300 минг нафари мавсумий иш билан таъминланди. 605 минг нафар деҳқоннинг даромади ошди. Картошка, пилез, сабзи билан ўзини ўзи таъминлайдиган туманлар кўпайди. Шу билан бирга, бир қатор туман ва шаҳарлар сабзавотлар, гўшт ва тухумни бошқа ҳудудлардан олиб келмоқда. Ҳокимлар ажратилган ерлардан фойдаланишни тўғри ташкил қила олмапти. Шу боис, давлатимиз раҳбари бу борада янги ташаббусларни билдирди.

Энди дастлабки босқичда 10 йил муддатга ажратилган 73 минг гектар майдоннинг ижара муддатлари 30 йилга узайтириб берилди. Бўш турган 100 минг гектар яйловларни чорваси бор аҳоли камида 10 гектардан 10 йил муддатга ижарага олишига рухсат берилди. "Ижтимоий химоя реестри"га киритилган эҳтиёжманд аҳолига ерларни беришда улар ер учун барча тўловлардан озод қилинади.

Талабгор топилмаган майдонларни сувли ва аҳолига яқин ерларга алмаштириш, янги экин жойларини очик-ошкора савдога чиқариш бўйича кўрсатмалар берилди. Булар ҳисобига 1 миллион тонна маҳсулот етиштириб, қўшимча 800 минг аҳолини даромадли қилиш мумкинлиги айтилди. Дала четларида узум, кади, қовун, тарвуз ва сабзавот экиб, қўшимча 220 минг тонна маҳсулот етиштириш, 600

минг бош парранда ва 300 минг дона асалари оиласини боқиб бўйича дастур ижроси кўриб чиқилди. Нархларни жиловлаш тақрорий экинларни кўпайтириш ва маҳсулот ҳажмини ошириш орқали бўлиши кераклиги таъкидланди. Сўнгги йилларда иссиқхоналар майдони 3 баробарга кўпайиб, уларда етиштирилаётган маҳсулотлар ҳажми 90 минг тоннадан 300 минг тоннага кўпайган. Уларда 150 минг

аҳоли юқори даромадли иш билан банд. Куз-қиш мавсумида иссиқхоналарга ёқилғи маҳсулотларини узлуксиз етказиб бериш, зарур бўлса, бунинг хариди учун кредитлар ажратиш муҳимлиги қайд этилди. Йиғилишда аҳоли ва иқтисодиёт тармоқларини энергия ресурслари билан кафолатли таъминлаш вазифалари ҳам муҳокама қилинди.

▶ Давоми 2-бетда

ЎЗБЕКИСТОН ҚУРУВЧИЛАРИГА БАЙРАМ ТАБРИГИ

Қадрли қурувчи бунёдкорлар! Аввало, сиз, азизларни қутлуғ касб байрамингиз билан чин қалбимдан табриқлаб, барчангизга самимий мураббатим ва эзгу тилакларимни изҳор этаман. Эл-юртимиз сизлар каби минг-минглаб моҳир қурувчи ва муҳандислар, уста ва меъморларни, лойиҳачи ва пудратчи ташкилотлар вакиллари янги Ўзбекистон равнақига муносиб ҳисса қўшаётган фидойи инсонлар деб билади. Сизларнинг олижаноб меҳнатингиз билан барпо этилаётган янги-янги турар жойлар, ишлаб чиқариш объектилари, йўл ва коммуникация тармоқлари, таълим, соғлиқни сақлаш, маданият ва спорт масканлари мамлакатимиз қиёфасини тубдан ўзгартириб, ҳаётимизнинг янада обод ва фаровон, файзли бўлишига хизмат қилмоқда. Дарҳақиқат, халқ манфаатини ўйлаб мустаҳкам ва кўркам иморатлар қуриш, равон йўл ва кўприклар бунёд этиш дунёдаги энг савобли ва хайрли ишлардан биридир. Бугунги қувончли айёмда мана шундай эзгу фаолиятингиз учун сизларга ҳар қанча ташаккур айтсак, арзийди, албатта. Азиз юртдошлар! Ҳозирги кунда мамлакатимиз том маънода улкан қурилиш майдонига айланганга барчамиз гувоҳимиз. Бошқа жабҳалар қаторида қурилиш тармоғи ҳам жадал ривожланмоқда, соҳага янги технология ва инновациялар, энг замонавий меъморий ечимлар фаол кириб келмоқда. Утган етти йил давомида юртимизда қурилиш ишлари ҳажми бир неча баробар ортиб, 2016 йилдаги 30 триллион сўм урнига 2022 йилда 131 триллион сўмга, жорий йилнинг биринчи ярмида эса 68 триллион сўмга етгани мамлакатимиз бунёдкорлари қисқа даврда қандай катта йўлни босиб ўтганидан далолат беради. Бу ҳақда сўз юритганда, сўнгги йилларда "Обод қишлоқ" ва "Обод маҳалла" дастурлари доирасида 1 минг 500 дан ортиқ қишлоқ ва маҳаллаларда йўл ва транспорт инфратузилмаси, муҳандислик-коммуникация тармоқлари, ижтимоий соҳа объектиларида улкан қурилиш ва обдонлаштириш ишлари амалга оширилганини таъкидлаш лозим. Аҳолимининг талаб ва эҳтиёжларидан келиб чиқиб, ушбу йўналишдаги ишларимиз изчил давом эттирилмоқда. Шу йилнинг ўзига "Янги Ўзбекистон" массивлари ва уй-жойга талаб юқори бўлган ҳудудларда 90 минг квартирага эга уй-жойлар барпо этилаётгани ҳам бу фикрни тасдиқлайди. Бугунги кунда мамлакатимиз қурилиш соҳасида ҳам янги давр бошланди, десак, тўғри бўлади. Аввало, соҳанинг ҳуқуқий ва моддий-техник базаси мустаҳкамланиб, республикамизнинг барча ҳудудларида илгор технология ва ёндашувлар асосида фаолият юритадиган янги-янги қурилиш ташкилотлари пайдо бўлаётгани, қурилиш материаллари индустрияси юқори суръатлар билан ривожланиётгани, малакали етуқ кадрлар тайёрлаш тизими йўлга қўйилгани шундай деб айтишга асос беради. Хурматли дўстлар! Янги Ўзбекистон тараққиёт стратегияси олдимиғизга қўётган муҳим ва долзарб вазифалардан келиб чиққан ҳолда, сизлар билан биргаликда соҳада ислохотларни янада чуқурлаштириш, бош режа ва шаҳарсозлик

ҳужжатлари лойиҳаларини янгича мезонлар асосида яратиш учун катта ҳаракатларни бошладик. Жумладан, урбанизация бўйича давлат бошқаруви тизимини такомиллаштириш ҳамда 2023-2027 йилларда аҳоли пунктларининг шаҳарсозлик ҳужжатларини ишлаб чиқиш дастурлари шакллантирилмоқда. Қурилиш соҳасида замонавий ахборот-коммуникация технологияларини кенг жорий этиш орқали қурилиш жараёнларининг барча босқичларида жамоатчилик назоратини кучайтириш, сифат ва самарадорликни ошириш, захматқаш қурувчиларнинг меҳнат ва турмуш шароитларини яхшилаш, уларни ҳар томонлама рағбатлантириш масалалари бундан буюн ҳам доимий эътиборимиз марказида бўлиб қолади. Хурматли байрам иштирокчилари! Сиз, азизларни, мамлакатимиз қурилиш соҳасини тараққий эттиришга муносиб ҳисса қўшиб келаётган барча юртдошларимизни касб байрамингиз билан яна бир бор чин юракдан муборакбод этаман. Сизларга мустаҳкам соғлиқ, шарафли ва масъулиятли фаолиятингизда янги-янги ютуқлар, оилавий бахт, хонадонларингизга тинчлик, файзу барака тилайман. Жонажон Ўзбекистонимиз, шаҳар ва қишлоқларимизнинг ободлиги, халқимиз фаровонлиги йўлида қилаётган меҳнатларингизнинг роҳатини кўринг! Қўлингиз асло дард кўрмасин, азиз дўстлар!

Шавкат МИРЗИЁЕВ,
Ўзбекистон Республикаси
Президенти

ЯНГИ ҲАЁТ УЧУН, ЯНГИ ЎЗБЕКИСТОН УЧУН!

МУНОСИБ ВА ҚУЛАЙ ЯШАШ ШАРОИТИ ЯРАТИШ

мамлакатимизда амалга оширилаётган бунёдкорлик ишларининг энг муҳим шарти

Президентимизнинг яқинда эълон қилинган қарорида давлатимиз мустақиллигининг ўттиз икки йиллик байрамини муносиб нишонлаш чора-тадбирлари белгилаб берилди. Бу йилги тантаналар янги Ўзбекистоннинг бугунги тараққиёт даражаси, шон-шухратига мос тарзда "Янги ҳаёт учун, Янги Ўзбекистон учун!" шиори остида ўтказилади.



▶ Давоми 3-бетда

ДАХЛДОРЛИК

"ЎЗБЕКИСТОН – 2030" СТРАТЕГИЯСИ

ҲАЁТИМИЗ ВА ФАОЛИЯТИМИЗГА НЕЧОҒЛИҚ МУШТАРАК?

Юртимиз тараққиёт йўлида кўплаб мамлакатлар ва йирик халқаро ташкилотлар билан турли соҳаларда ҳамкорлик қилиб келмоқда. Хусусан, хорижий давлатлар билан дўстона, самарали муносабатларни ривожлантириш борасида муҳим натижаларга эришиляпти. Шу билан бирга, таълим-тарбия тизимини янги босқичга кўтариш, педагог кадрлар тайёрлаш сифатини илгор халқаро стандартлар асосида такомиллаштириш ҳамда олий педагогик таълим билан қамров даражасини ошириш борасида изчил чора-тадбирлар кўрилмоқда.

▶ Давоми 5-бетда

